

**Нэг.ТӨРИЙН ТУСГАЙ ХАМГААЛАЛТЫН ТУХАЙ ХУУЛЬ  
/ШИНЭЧИЛСЭН НАЙРУУЛГА/ БОЛОН ТҮҮНТЭЙ ХАМТ ӨРГӨН МЭДҮҮЛСЭН  
ХУУЛИЙН ТӨСЛҮҮДИЙН ТАЛААРХ ЗАРЧМЫН ЗӨРҮҮТЭЙ САНАЛЫН ТОМЬЁОЛОЛ**

**Нэг.Аюулгүй байдал, гадаад бодлогын байнгын хорооны дэмжсэн санал:**

1.Төрийн тусгай хамгаалалтын тухай хууль /Шинэчилсэн найруулга/ төсөл /цаашид “Төсөл” гэх/-ийн 1 дүгээр зүйлийн 1.1 дэх хэсгийг доор дурдсанаар өөрчлөн найруулах:

“1.1.Энэ хуулийн зорилт нь төрийн тусгай хамгаалалтын хамрах хүрээ, удирдлага, зохион байгуулалт, үйл ажиллагааны эрх зүйн үндэс, алба хаагчийн эрх зүйн байдлыг тогтооход оршино.”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

2.Төслийн 3 дугаар зүйлийн 3.1.1, 3.1.2 дахь заалт, 6 дугаар зүйлийн гарчиг, 6.1 дэх хэсэг, 6.1.5, 6.2.5 дахь заалт, 8 дугаар зүйлийн 8.2 дахь хэсгийн “хүн”, “хүний”, “хүнийг” гэснийг тухай бүрд “иргэн”, “иргэний”, “иргэнийг” гэж тус тус өөрчлөх.

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

3.Төслийн 3 дугаар зүйлийн 3.1.6, 3.1.7 дахь заалтын “энэ хуульд заасны дагуу” гэснийг тус тус хасаж, 5 дугаар зүйлийн 5.1 дэх хэсгийн “төрийн эрх мэдлийг хууль бус аргаар авахаас сэргийлэх” гэснийг “үндсэн хуульт байгууллын аюулгүй байдлыг хангах” гэж өөрчилж, 6 дугаар зүйлийн 6.1.6 дахь заалтын “айлчилж байгаа” гэсний дараа “болон Монгол Улсын нутаг дэвсгэрээр дамжин өнгөрч байгаа” гэж нэмэх.

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

4.Төслийн 6 дугаар зүйлийн 6.2.6 дахь заалтыг доор дурдсанаар 6.2.6, 6.2.7 болгон өөрчлөн найруулах:

“6.2.6.энэ хуулийн 6.1.6-д заасан зочин айлчлах болон дамжин өнгөрөх хугацаанд;

6.2.7.энэ хуулийн 6.1.7-д заасан зочин айлчлах хугацаанд болон хүсэлт гаргавал Монгол Улсын нутаг дэвсгэрээр дамжин өнгөрөх хугацаанд.”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

5.Төслийн 6 дугаар зүйлийн 6.3 дахь хэсгийн “Төрийн тусгай хамгаалалтын байгууллага” гэснийг хасаж, 7 дугаар зүйлийн 7.3 дахь хэсгийн “энэ хуульд” гэснийг “энэ хуулийн 7.2-т” гэж өөрчлөх.

6.Төслийн 7 дугаар зүйлийн 7.4 дэх хэсгийн “барилга байгууламж” гэснийг “барилга, бусад зүйл” гэж, мөн хэсгийн болон 16 дугаар зүйлийн 16.1 дэх хэсгийн “маршрутын” гэснийг “чиглэлийн” гэж, 37 дугаар зүйлийн 37.1.10 дахь хэсгийн “маршрут” гэснийг “чиглэл” гэж тус тус өөрчлөх.

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

7.Төслийн 9 дүгээр зүйлийн 9.1 дэх хэсгийн “тохиолдолд” гэснийг “бол” гэж өөрчилж, 10 дугаар зүйлийн 10.4, 10.5 дахь хэсгийг доор дурдсанаар өөрчлөн найруулах:

“10.4.Олон улсын дээд хэмжээний уулзалт, хурлыг төрийн тусгай хамгаалалтад авахад шаардагдах зардлыг Засгийн газар шийдвэрлэнэ.

10.5.Төрийн тусгай хамгаалалтад зайлшгүй байх бусад зүйлийн жагсаалтыг төрийн тусгай хамгаалалтын зорилгод нийцүүлэн Засгийн газар батална.”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

8.Төслийн 11 дүгээр зүйлийн 11.2 дахь хэсгийн “байж болно” гэснийг “байна” гэж, 12 дугаар зүйлийн 12.1.2 дахь заалтын “бусад хүн” гэснийг “бусад этгээд” гэж, 13 дугаар зүйлийн 13.1 дэх хэсгийн “хүн” гэснийг “аливаа этгээд” гэж тус тус өөрчлөх.

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

9.Төслийн 13 дугаар зүйлийн 13.2, 13.5 дахь хэсгийг нэгтгэж, 13.2 дахь хэсэг болгон доор дурдсанаар өөрчлөн найруулах:

“13.2.Хамгаалалтын дэглэмээр тодорхой эд зүйл нэвтрүүлэхийг хориглох, зорчих хөдөлгөөн болон тодорхой үйл ажиллагаа явуулахыг хязгаарлах, түр зогсоох, хяналтын дэг журам тогтоох зэрэг бусад үйл ажиллагааг явуулж болно.”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

10.Төслийн 14 дүгээр зүйлийн 14.3, 14.4 дэх хэсэг болон 15 дугаар зүйлийн 15.3 дахь хэсгийг нэгтгэж, 14.3 дахь хэсэг болгон доор дурдсанаар өөрчлөн найруулах:

“14.3.Энэ хуулийн 14.2-т заасан урьдчилан сэргийлэх, хамгаалалтын техникийн, орчны болон эрүүл ахуйн үзлэг хийх журам, зааврыг төрийн тусгай хамгаалалтын байгууллагын дарга батална.”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

11.Төслийн 15 дугаар зүйлийн 15.1 дэх хэсгийн “олон улсын дээд хэмжээний” гэсний дараа “уулзалт,” гэж нэмж, 16 дугаар зүйлийн 16.2 дахь хэсгийн “хамгаалалт найдвартай байхад чиглэсэн” гэснийг “хамгаалалтын бусад” гэж өөрчлөх.

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

12.Төслийн 17 дугаар зүйлийн 17.2 дахь хэсгийн “байгууламж,” “найдвартай” гэснийг тус тус хасах.

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

13.Төслийн 17 дугаар зүйлийн 17.1 дэх хэсгийн “барилга байгууламжийг” гэснийг “барилгыг” гэж, 17.3 дахь хэсэг, 20 дугаар зүйлийн 20.3 дахь хэсгийн “барилга байгууламжийн” гэснийг “барилга, бусад зүйлийн” гэж, Гуравдугаар бүлгийн гарчгийн “ХҮЛЭЭХ ҮҮРЭГ” гэснийг “ТЭДГЭЭРИЙН ЧИГ ҮҮРЭГ” гэж, 19, 20, 21, 22, 23, 24 дүгээр зүйлийн гарчгийн “үүрэг” гэснийг “чиг үүрэг” гэж, 32 дугаар зүйлийн гарчгийн “бүрэн эрх” гэснийг “хэрэгжүүлэх чиг үүрэг” гэж тус тус өөрчлөх.

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

14.Төслийн 18 дугаар зүйлийн 18.1, 18.2 дахь хэсгийг нэгтгэн доор дурдсанаар өөрчлөн найруулах:

“18.1.Төрийн тусгай хамгаалалтыг төрийн тусгай хамгаалалтын байгууллага хэрэгжүүлэх бөгөөд төрийн бусад байгууллага энэ хууль болон холбогдох хуульд заасан чиг үүргийнхээ хүрээнд дэмжлэг үзүүлэн оролцоно.”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

15.Төслийн 20 дугаар зүйлийн 20.1 дэх хэсгийн “эрүүгийн” гэсний дараа “болон хэв журмын талаар” гэж нэмж, 23 дугаар зүйлийн 23.1 дэх хэсгийг доор дурдсанаар өөрчлөн найруулах:

“23.1.Төрийн тусгай хамгаалалтын байгууллагын хүсэлтээр хамгаалуулагчийн ажиллаж, амьдарч байгаа орчин болон хүнсний бүтээгдэхүүнд эрүүл ахуйн хөндлөнгийн хяналт тавьж, лабораторийн шинжилгээ хийнэ.”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

16.Төслийн 24 дүгээр зүйлийн 24.1 дэх хэсгийн “ашгийн төлөө бус” гэснийг “төрийн бус” гэж, 24.2 дахь хэсгийн “Төрийн болон орон нутгийн захиргааны байгууллага, аж ахуйн нэгж, байгууллага, албан тушаалтан, ашгийн төлөө бус байгууллага” гэснийг “Энэ хуулийн 24.1-д заасан байгууллага, албан тушаалтан” гэж тус тус өөрчлөх.

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

17.Төслийн 24 дүгээр зүйлийн 24.3 дахь хэсгийн “Төрийн тусгай хамгаалалтын байгууллагад мэдээлэл өгч, хамгаалалтын талаарх санал зөвлөгөөг тусгаж ажиллана” гэснийг “төрийн тусгай хамгаалалтын байгууллагад урьдчилан мэдээлэл өгч, хамгаалалтын талаарх санал, зөвлөгөөг тусгаж хамтран ажиллана” гэж өөрчлөх.

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

18.Төслийн 25 дугаар зүйлийн 25.1 дэх хэсгийн “үзүүлж хамтран ажиллана” гэснийг “үзүүлэх үүрэг хүлээнэ” гэж өөрчилж, 26 дугаар зүйлийн 26.1 дэх хэсгийн “хуульд заасан хүрээнд зохион байгуулж” гэснийг хасах.

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

19.Төслийн 27 дугаар зүйлийг 28 дугаар зүйлтэй нэгтгэн доор дурдсанаар өөрчлөн найруулах:

**“27 дугаар зүйл.Төрийн тусгай хамгаалалтын байгууллагын чиг үүрэг**

27.1.Төрийн тусгай хамгаалалтын байгууллага дараах чиг үүргийг хэрэгжүүлнэ:

27.1.1.төрийн тусгай хамгаалалтыг зохиох, хамгаалуулагчийн аюулгүй байдлыг хангах;

27.1.2.төрийн тусгай хамгаалалтад авсан хурал, барилга, бусад зүйлийг хамгаалах;

27.1.3.хамгаалалтын иж бүрэн байх зарчимд нийцүүлэн төрийн тусгай үйлчилгээг үзүүлэх;

27.1.4.төрийн тусгай хамгаалалтыг хэрэгжүүлэхтэй холбоотойгоор төрийн бодлого, шийдвэр, хууль тогтоомжийг боловсронгуй болгох талаар санал боловсруулах, төрийн тусгай хамгаалалтын хууль тогтоомжийн биелэлтийг хангах;

27.1.5.төрийн тусгай хамгаалалтад дэмжлэг үзүүлэх чиг үүрэг бүхий төрийн байгууллагуудыг төрийн тусгай хамгаалалтын чиглэлээр нэгдсэн арга зүй, удирдлага, зохион байгуулалтаар хангах, чиглүүлэх;

27.1.6.төрийн тусгай хамгаалалтыг хэрэгжүүлэхэд шаардлагатай мэдээ, мэдээлэл цуглуулах, холбогдох мэдээ, мэдээллээр шуурхай хангагдах, энэ хуульд заасан аюулгүй байдлын эрсдэлийн үнэлгээ хийх;

27.1.7.энэ хуулийн 24.1-д заасан байгууллага, албан тушаалтан болон иргэнээс шаардлагатай мэдээ, мэдээлэл, судалгаа гаргуулж авах;

27.1.8.чиг үүргээ бүрэн хэрэгжүүлэх нөхцөлийг хангасан тусгай зориулалтын техник хэрэгсэл, мэдээллийн сантай байх, тэдгээртэй холбоотой засвар, үйлчилгээ, инженерийн дэд бүтцээр хангагдах;

27.1.9.хамгаалуулагчийн аюулгүй байдлыг хангах зорилгоор явган зорчигч, автотээврийн хэрэгслийн хөдөлгөөнийг шаардлагатай тохиолдолд түр зогсоох, чиглэлийг өөрчлүүлэх;

27.1.10.энэ хуулийн 6.1.1-д заасан болон шаардлагатай тохиолдолд бусад хамгаалуулагчийг орон нутагт агаарын хөлөг, усан онгоц, галт тэргээр зорчин явах үед аюулгүй байдлыг хамгаалах зорилгоор уг тээврийн хэрэгслээр тухайн үед зорчих хүмүүс, тэдний ачаа тээшийг шалгахад, түүнчлэн хамгаалуулагчийг гадаадад явах үед

хамт явах зорчигчид Монгол Улсын нутаг дэвсгэрт гаалийн хяналт шалгалт хийхэд алба хаагчаа байлцуулах;

27.1.11.урьдчилсан хамгаалалт хэрэгжүүлэх, аюулгүй байдлын үзлэг хийх, хамгаалуулагчийн хэрэглэх хүнсний бүтээгдэхүүн болон бусад зүйлд лабораторийн шинжилгээ хийх, шаардлагатай тохиолдолд холбогдох мэргэжлийн байгууллагаас туслалцаа авах;

27.1.12.аюулгүй байдлыг хангахтай холбогдуулан төрийн тусгай хамгаалалтын бүсэд радио холбооны сүлжээ сарниулах, радио төхөөрөмжийн болон бусад шаардлагатай тоног төхөөрөмжийн үйл ажиллагааг түр зогсоох;

27.1.13.хамгаалуулагч болон төрийн тусгай хамгаалалтад байгаа барилга, бусад зүйл, тэдгээрийн орчинд эмх замбараагүй байдал үүсэх, гамшиг, гэнэтийн осол гарах зэргээр нөхцөл байдал хүндэрсэн үед болон шаардлагатай бусад тохиолдолд тагнуул, цагдаа, дотоодын цэрэг, онцгой байдлын байгууллага болон зэвсэгт хүчин, хилийн цэргээс дэмжлэг авах, харилцан хамтран ажиллах;

27.1.14.төрийн байгууллагын төрийн болон албаны нууцад хамаарахаас бусад мэдээллийн санд нэвтрэх, албаны хэрэгцээнд ашиглах;

27.1.15.төрийн тусгай хамгаалалтыг далд хэлбэрээр хэрэгжүүлэхдээ өөр байгууллагын баримт бичиг, албаны дүрэмт хувцас болон бусад зүйлийг ашиглах;

27.1.16.тээврийн хэрэгсэлд тусгай дуут болон гэрэл дохио хэрэглэх;

27.1.17.гадаад улсын төрийн хамгаалалтын байгууллагатай хамтран ажиллах, мэдээлэл солилцох;

27.1.18.аж ахуйн нэгж, байгууллага, албан тушаалтан, иргэнд хүсэлт, шаардлага тавих;

27.1.19.энэ хуулийн 6.1.1-д заасан хамгаалуулагчийг өргөө, зориулалтын орон сууц, үйлчлэх бүрэлдэхүүн, эдийн болон хүнсний бүтээгдэхүүнээр хангах, шаардлагатай нөөцийг бүрдүүлэх, өргөө, зориулалтын орон сууцны ашиглалтын техникийн бэлэн байдлыг хариуцах;

27.1.20.хамгаалуулагчид зориулалтын тээврийн хэрэгсэл, тусгай холбоогоор үйлчлэх;

27.1.21.төрийн тусгай хамгаалалтын бүс, түүний орчинд холбогдох байгууллагатай хамтран инженер-техникийн үзлэг, шалгалт хийж аюулгүй байдлыг хангах;

27.1.22.төрийн тусгай хамгаалалтын бүсэд хамгаалалтын дэглэм сахиулах, халдлага, зөрчил гарахаас урьдчилан сэргийлэх, илрүүлэх, таслан зогсоох арга хэмжээ авах;

27.1.23.чиг үүргийнхээ хүрээнд террорист үйлдлийн сөрөг тусгай ажиллагаанд оролцох;

27.1.24.үйл ажиллагаандаа шинжлэх ухааны ололт, орчин үеийн техник, технологи, мэдээллийн сүлжээг ашиглах, дууны, дүрсний, дуу-дүрсний бичлэгийн болон бусад хяналтын систем нэвтрүүлэх;

27.1.25.хамгаалуулагчийн аюулгүй байдлыг хангахтай холбоотойгоор хэрэгжүүлж байгаа арга хэмжээний тухай өөрт нь мэдээлж, танилцуулах;

27.1.26.байгууллага, албан хаагчийн аюулгүй байдлыг хангах, тэдний эрх, хууль ёсны ашиг сонирхлыг хамгаалах;

27.1.27.хуульд заасан бусад.

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

20.Төслийн 29 дүгээр зүйлийн 29.3 дахь хэсгийн “хүн, хуулийн этгээд” гэснийг “бусад этгээд” гэж өөрчилж, 32 дугаар зүйлийн 32.1.2 дахь заалт, 32.1.5 дахь заалтыг тус тус хасах.

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

21.Төслийн 32 дугаар зүйлийн 32.1.3 дахь заалтын “биелэлтийг хангуулах” гэснийг “мөрдүүлэх” гэж, 32.1.10 дахь заалтын “мэдлэг чадварыг” гэснийг “мэдлэг, ур чадварыг” гэж тус тус өөрчилж, мөн зүйлийн 32.1.7 дахь заалтыг доор дурдсанаар өөрчлөн найруулах:

“32.1.7.төрийн тусгай хамгаалалтын байгууллагыг дотоод, гадаадад төлөөлөх;”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

22.Төслийн 33 дугаар зүйлийн 33.1 дэх хэсгийн “Энэ хуульд заасан” гэснийг “Төрийн тусгай хамгаалалтын алба хаагчийн” гэж, “албан хаагч байна” гэснийг “албан хаагч мөн” гэж тус тус өөрчилж, мөн зүйлийн 33.4 дэх хэсгийг доор дурдсанаар өөрчлөн найруулах:

“33.4.Шадар хамгаалалтын ажилтан нь төрийн тусгай хамгаалалтын чиглэлээр гурваас доошгүй жил ажилласан, мэргэшүүлэх сургалтад хамрагдсан байна.”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

23.Төслийн 35 дугаар зүйлийн 35.7 дахь хэсгийн “алба хаагч нь байгууллагаас олгосон албаны үнэмлэхтэй байх ба” гэснийг хасаж, 35.8 дахь хэсгийг доор дурдсанаар өөрчлөн найруулах:

“35.8.Аливаа этгээд төрийн тусгай хамгаалалтын албаны дүрэмт хувцас, үнэмлэхийг хэрэглэхийг хориглоно.”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

**24.**Төслийн 36 дугаар зүйлийн 36.1 дэх хэсгийн “энэ хуульд” гэснийг “энэ хуулийн 33.2-т” гэж, 37 дугаар зүйлийн 37.1.3 дахь заалтын “энэ хуульд заасны дагуу” гэснийг “энэ хуулийн 11.4-т заасан” гэж тус тус өөрчлөх.

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

**25.**Төслийн 36 дугаар зүйлийн 36.3 дахь хэсгийг доор дурдсанаар өөрчлөн найруулах:

“36.3.Алба хаах насны дээд хязгаарт хүрсэн төрийн тусгай хамгаалалтын алба хаагчийн алба хаах хугацааг түүний хүсэлтийг үндэслэн мэдлэг, ур чадвар, туршлага, эрүүл мэндийн байдал зэргийг харгалзан төрийн тусгай хамгаалалтын байгууллагын дарга тав хүртэл жилээр нэг удаа сунгаж болно.”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

**26.**Төслийн 37 дугаар зүйлийн 37.1.1 дэх заалтын “холбоотой” гэсний дараа “хууль ёсны” гэж, мөн зүйлийн 37.1.6 дахь заалтын “эд зүйлд” гэсний өмнө “бие болон” гэж тус тус нэмэх.

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

**27.**Төслийн 38 дугаар зүйлийн 38.1.1 болон 38.1.7 дахь заалтыг нэгтгэн доор дурдсанаар өөрчлөн найруулах:

“38.1.1.өргөсөн тангарагтаа үнэнч байж, төрийн тусгай хамгаалалтыг хэрэгжүүлэх;”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

**28.**Төслийн 38 дугаар зүйлийн 38.1.4 дэх заалтын “явахгүй” гэсний, 39 дүгээр зүйлийн 39.1.2 дахь заалтын “тавихгүй” гэсний дараа “байх” гэж тус тус нэмж, 38 дугаар зүйлийн 38.1.8 дахь заалтыг 38.1.7 болгон доор дурдсанаар өөрчлөн найруулах:

“38.1.7.өөрийн бие бялдар, эрүүл мэнд, мэргэжил, мэргэшил, албаны бэлтгэлийн түвшинг хадгалах;”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

**29.**Төслийн 38 дугаар зүйлийн 38.1.10 дахь заалтын “холбогдон” гэснийг хасаж, 39 дүгээр зүйлийн 39.1.7 дахь заалтын “холбогдох хууль тогтоомжид” гэснийг “хуульд” гэж өөрчлөх.

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

**30.**Төслийн 40 дүгээр зүйлийн 40.3 дахь хэсгийг хасаж, 42 дугаар зүйлийн 42.8 дахь хэсгийг доор дурдсанаар өөрчлөн найруулах:

“42.8.Төрийн тусгай хамгаалалтын алба хаагч ажилдаа ирэх, буцах замд явах болон энхийг дэмжих ажиллагаанд оролцохыг албан үүргээ гүйцэтгэж байгаатай нэгэн адил тооцно.”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

**31.Төслийн 43 дугаар зүйлийн 43.2 дахь хэсгийн “гэмт халдлагын улмаас” гэснийг хасах.**

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

**Хоёр.ТӨСӨЛТЭЙ ХАМТ ӨРГӨН МЭДҮҮЛСЭН МОНГОЛ УЛСЫН ТӨРИЙН  
ОРДНЫ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ ХУУЛИЙН  
ТӨСЛИЙН ТАЛААРХ ЗАРЧМЫН ЗӨРҮҮТЭЙ САНАЛЫН ТОМЬЁОЛОЛ**

**Нэг.Аюулгүй байдал, гадаад бодлогын байнгын хорооны дэмжсэн санал:**

**1.Төслийн 2 дугаар зүйлийн 2 дахь заалтын 7.3 дахь хэсгийг доор дурдсанаар өөрчлөн найруулах:**

“7.3.Төрийн ордон нь төрийн тусгай хамгаалалтыг хэрэгжүүлэхэд шаардагдах холбоо, аюулгүй байдлыг хангах тусгай техник хэрэгслээр тоноглогдсон байна.”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

**2.Төслийн 2 дугаар зүйлийн 2 дахь заалтад доор дурдсан агуулгатай 7.7 дахь хэсгийг нэмэх:**

“7.7.Төрийн ордны хамгаалалтыг хариуцсан нэгж энэ хуулийн 3.2-т заасны дагуу Монгол Улсын Их Хурлаас тогтоосон нутаг дэвсгэрийн аюулгүй байдлыг хариуцна.”

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

**3.Төслийн 2 дугаар зүйлийн 2 дахь заалтын 7.8 дахь хэсгийн “дарга болон дотоодын цэргийн командлагчийн” гэснийг “даргын” гэж өөрчилж, 3 дугаар зүйлийн 9.2 дахь хэсгийн “үйлчилгээ явуулах болон засвар” гэсний өмнө “ордонд” гэж, “үйлчилгээний тусгай” гэсний өмнө “ордны” гэж тус тус нэмэх.**

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

**Гурав.ТӨСӨЛТЭЙ ХАМТ ӨРГӨН МЭДҮҮЛСЭН ЭНХИЙГ ДЭМЖИХ АЖИЛЛАГААНД  
ОРОЛЦОХ ТУХАЙ ХУУЛЬД НЭМЭЛТ ОРУУЛАХ ТУХАЙ ХУУЛИЙН ТӨСЛИЙН  
ТАЛААРХ ЗАРЧМЫН ЗӨРҮҮТЭЙ САНАЛЫН ТОМЬЁОЛОЛ**

**Нэг.Аюулгүй байдал, гадаад бодлогын байнгын хорооны дэмжсэн санал:**

**1.Энхийг дэмжих ажиллагаанд оролцох тухай хуульд нэмэлт оруулах тухай хуулийн төслийг хууль санаачлагчид буцаах.**

**Санал гаргасан: Улсын Их Хурлын гишүүн Б.Энх-Амгалан, Н.Энхболд**

---oOo---